

禪袴松

禪，慙也。褻衣也。漢司馬相如着犢鼻褌。晉阮咸晒犢鼻褌。以三尺布爲之。形如牛鼻。蓋前後各一幅。中裁兩尖。襠交。輳。卽今之牛頭子褌。一名梢子。乃爲農夫田衣。而士人無復服之者矣。蓋起于西戎。以牛皮爲褌。故名。今所謂皮褌是也。夏始用絹。長至膝。周文王製褌。長至膝。謂之弊衣。賤人不下服。曰良衣。蓋良人之服也。北齊與袴均。袴脛衣也。漢外戚傳窮袴。注。今之緹縠。有前襠。不得交通。周仁溺袴。注。尿袴也。爲小袴。以藉尿。晉謝尚刺紋袴。又晉書。勳不敢出褌襠。